

տառապանս նոցա . և ըստ այսմ մտաց դրեցաւ Հրովարտակ  
և սահաւ ինչ ոգի առին Հայք , 1109 (1698) :

Արաբացի պատմիչ և բանաստեղծ ոմն յանուն Աղոյ-ւ-  
ղանի Նսպուսի , ուղեւորեալ 'ի Դամասկոս , յԵգիպտոս և  
յԱրաբիա , և ապա 'ի Թուրին Հիմրէթի 1100 (1694) դայ  
հասանէ 'ի Յոսպէ քաղաք ծովեզերեայ , եւ իջեւանի 'ի  
վանս Հայոց , և գտանէ անդ ընդունելութիւն մեծ 'ի Տե-  
տուչ վարդապետէն ինքն և ընկերք իւր , ապա գովութեամբ  
նկարագրէ 'ի պատմութեան իւրում զհաստատուն շին-  
ուածս վանաց , իբրեւ բերդ ամուր ամրացեալ պարսպօք  
և աշտարակօք , և չտեսի ասէ զայլ ինչ 'ի Յոսպէ ամրա-  
գոյն քան զբերդն և զվանքն Հայոց : Եւ եղեւ մեզ ասէ ,  
և եղբարց մերոց , և որոց ընդ մեզ էին , կատարեալ ուրա-  
խութիւն և ցնծութիւն : Եւ ապա գրէ ոտանաւոր քերդա-  
ծրս 'ի վերայ Յոսպէ քաղաքի :

Իսկ Յովհաննէս Եպիսկոպոս կրեալ վիչտս եւ նեղու-  
թիւնս յօտարաց և ընտանեաց վախճանեցաւ (1697.) եւ  
թաղեցաւ 'ի վանս Ս . Փրկչի : Սա գնեաց յայլազգեաց ըզ-  
պարտէզն հանդէպ վանաց Ս . Հրեշտակապետի , և խառ-  
նեաց 'ի մեծ պարտէզն (1693) : Եւ 'ի կենդանութեան իւ-  
րում կասկածեալ 'ի թշնամեաց իւրոց , էաւ վերստին հրո-  
վարտակ սակս անկասկած վարելոյ զիշխանութիւն իւր ,  
և անփոփոխ մնալ Պատրիարքաց Երուսաղէմի մինչ ցվախ-  
ճան կենաց իւրեանց 1100 (1694) : Եւ զկնի միոյ ամի 'ի  
գահակալութեան Սուլթան Ահմէտ երկրորդի , նորոգեաց  
զայն , սակայն ջանք նորին ոչ ինչ նպաստ եղեւ ամբողջն ,  
որպէս տեսցի յիւրում տեղւոջ :

